

regnis Legatis indulserit. Tres ferme Urbis partes duobus alluuntur fluminibus, reliqua vero latissima fossa, a qua ea multa aqua ex ipsis amnibus corrivata, præcingitur. Urbs etiam ab adverso latere alio flumine, quod *Lausa* dicitur, munita est, id pariter in Moschum paullo infra Urbem evolvitur. Distat hæc a Cracovia Polonia Metropoli Milliaribus 320. Eam vero anno c1510 Lxxx1 Tartari Præcopenfes totam funditus exusserunt magna multitudine, in tam populosa Urbe fumo extincta, in ipsa Dominicæ Ascensionis die. Domus ejus universim paullo ante illud incendium ad 41500 fuere numeratæ. Sunt porro in Moscovia præter Metropolim de qua jam diximus, Urbes, duæ quidem Archiepiscopatus, octodecim autem Episcopatus dignitate nobiles. Archiepiscopales sunt *Rostovia* (*Rostovv*) & *Novogrodia*. Hæc non multis ante annis totius Moscoviæ Caput fuit. Perpetua quasi hyeme & tenebris longissimarum noctium premitur: nam Polum Arcticum ab Horizonte sexaginta quatuor gradus elevatum videt, sex fere gradibus ipsa Moscha ab Æquatore remotior, qua Cœli ratione solstitii tempore propter exiguas noctes, continuatis fere Solis ardoribus æstuarè perhibetur. Episcopales sunt *Corfira*, *Rezania*, *Columna*, *Susdalia*, *Casanum* (*Cazan*) in Volgæ ripaa quo *Cazaniorum* Horda nomen ducit, distat a Volgæ Ostio Caspioque Mari quingentis millibus passuum. *Volochda*, *Tweria*, *Smolensko*, *Pleskovia*, *Staritia*, *Sibodo*, *Iaroslavia*, *Volodimiria*, quæ urbs quoque Regiæ nomen adepta est, eaque ad Ortum Solis ducentis amplius Milliaribus a Moscha distat, eoque sedem Imperii ab strenuis Imperatoribus necessaria ratione translatum fuerunt, ut ex propinquo, quum tum bella continenter cum finitimis gererentur, paratiora præsidia adversus Scytharum irruptiones opponerent. *Mosaysko*, Urbs *S. Nicolai* (*S. Nicolas*) *Sugana*, *Vsting* & *Gargapolia*. Emporia totius Regni celeberrima sunt, *Astrachan* ad Mare Caspium, quo Merces Persarum & Armeniorum deferuntur: & Urbs *S. Nicolai* ad quam Angli & Hollandi navibus commeant, ac Pannos aliasque Merces important, quæ hinc *Vologdam* transferuntur. Est & supra *Casanum* centesimo & quinquagesimo milliari ad ingressum amnis *Suræ* *Surcicum* Opidum, a Basilio conditum, ut in ea solitudine Mercatoribus ac Viatoribus, qui de rebus Tartaricis ac ejus inquietæ gentis moribus proximos Finium Præfectos certiores reddunt, certa & tuta mansio cum tabernis Hospitalibus statueretur. Sunt & aliæ Urbes ac plurima minorum gentium Opida quæ brevitate studio omittimus. Latatur Moscovia Fluminibus plurimis, inter ea agmen ducunt *Borysthenes*, cuius fontes Herodoto ignoti, sunt ad pagum Moscoviæ *Dniepersko* in silva *Wolkonski*, unde per Lithuaniam & Russiam defluens, *Smolensko* Opidum & *Kioviam* præterlabitur: postea circa *Chmielnicco* recipit Fluvium *Bog*, ac tandem in Euxinum Pontum exoneratur: longitudo ejus est plus ccc Milliarium Germanicorum. *Turanus* qui & *Rubo* ac *Duvina*. Hic haud procul a fontibus *Boryhenis* ortus, ad *Rigā* Livoniæ se in Mare Balthicum exonerat. *Rha* qui & *Volga* & *Edek*, ortum habet è Lacu cognomine, qui xxv Milliaribus a Moschovia abest versus Lithuaniam. Hic cornutis errans flexibus, multisque receptis fluminibus, in Mare Caspium Ostiis Lxx influit. *Tanais* vulgo

Flumina.